

SINA SAPA WOCEKIYE TAEYANPAHA.

REV. JEROME HUNT, O. S. B.

PUBLISHER, & PROPRIETOR.

FORT TOTTEN, NORTH DAKOTA.

PUBLISHED MONTHLY.
ONE DOLLAR PER YEAR.Entered at the Postoffice at Fort Totten N. Dak
as second class matter.With the Approbation and
Blessing of the Rt. Rev. Bishop
of N. Dakota.

JANUARY, 1, 1896.

Standing Rock, etanhan tona Fort Berthold, Padani tipi ekta iyayapi kin wanna ahdi. Hena Antoine Cleymore, Akicitanajin, Takukokipesni, Matowatakte, Thomas Ahewanka qa nakun ongekpi. Owasin iyokippi. Father Craft tanyan wicakuwa. Nakun winohca wakan kin wawicayakapi. Winyan wakan kin onsikapi tuka Dakota kin nina htwakikini, wayazaula iyaza wawicayag omanipi ecee, wicakianptapi, qa token okihipiika owicakiyapi ecede. Tokata mdoketu qa Inyanbosdata eu omniciye kinhan Father Craft ekta u kta keya.

Inyanbosdata etanhan Father Bernard wowapi unqupi qa tokata, tokenken omniciye kta Bishop Marty yustan keya, (Fort Totten, qa Sisseton kicica kta.) (Standing Rock, qa Upper Sheyenne, kicica kta.) (Crow Creek, Lower Brule, qa Bad River hena yannipi kta.) (Rose Bud qa Pine Ridge kicica kta.) Hececa osta tokata mdoketu kinhan Crow Creek en omniciye kta e okiyapi; qa July en tukten Rose Bud, qa Lower Brule, Crow Creek qa Bad River, Cheyenne Agency, hena Conkicakse owakpamni kin hen omniciye yuhapi kta. Qa Upper Cheyenne, Cherry Creek, Moreau River qa Standing Rock Agency ataya Padanitawakpa hen omniciye kta. Fort Totten qa Sisseton kici tukte onma ohna cinpi kinhan ihdahugapi kta, henaos omniciye econpi qa is Standing Rock en omniciye kte cin hen upi kta. De tanyan owakahnige sni naceca tka hecenyan owa kahniiga. Tka sanpa sdoniyaya yacin kinhan Father Digmann is Father Bosch iwicawanga wo, henaos omniciye owas en yukanpi.

15.—Cana En Wakankiciyuzapi Kin.

1 Philip qa Nathaniel, Jesusihakam yewicasi kin yamni can iyohakam, Galile makoe Cana otonwe kin en kiciyuzapi omniciye econpi. Jesus qa Mary en opapi, qa nakaha wonspekuyapi kta wicakahnigapi kin ko en opapi. Wotapi kin econhan minisa kin henakeca, qehan Mary Jesus en u qa okiyaka. Toka qehan tipi en itancan token wiyukan tandin sni kin un Jesus takuna econ kta awacin sni seececa tuka Mary Cinea kin wastecake cin sdonkiya heon okiye kin tokeliiu econwicasi kinhan iyecen econwicasi.

2 Inyan wakiskokpa sakpe en han, otioyohi wiyutapi nom yamni kipi. Jesus wayutan kin en wicahi, qa owasin mioi ojugguna okaetanwicasi; hehan onge etanhan icupi qa omniciye itancan kin he kaye wicasi. Unkan omniciye en itancan kin onge yatke uta he mini tuka minisa icaliyapi. Unkan itancan kin tawicuton qon kico, qa abakena minisa waste okapta keya ba. De tokaheya Jesus oyate en wowapetokeca econ, qa to na wanyakapi kin, inihampi eceena sni tka, Jesus De Wakantanka Cinhintku kin ee wicadapi

De Cana en wotapi kin hen Jesus kiciyuzapi kin yuwaste qa Sacrament heca kaga. Qa mini qeya en minisa kagapi kin he dehan Maas woanapi en minisa Jesus we kagapi kin he iyeececa.

CHRIST OMAKA TOKAHEYA OYATE EN WAECON.

16.—Christ Tipiwakan en mazaska Tokiyoepayapi takan iye-wicaye cin. (A. 31.

1. De econhan Jesus Jerusalem ekta woacaksin yute kta e ekta i. Tipiwakan kin timaben iyaya unkan wicota hen tatanka, qa tahcaskana, wakinyena wiyopeya yukanpi, qa mazaska tokiyopekiciyapi kin en iyotankapi, e wanwicayaka. De wanke qehan canteptanyan, qa icapsinte ota akijata hen kage qa, tona Wakantanka ti kiu ohodapi sni kin hena tankan iyewicaya. Tuwena Itkokipe kta tawafenyi sni, iyecana owasin akijahda.

2. Tona ena yukanpi kin, tokiyatanhan he wowaake yuha, qa on hecon hecinhan iwangapi. Unkan

decen awicayupta: "Tipi kin de ibangyapo, qa anpetu iciyamni kinhan ake ekicetuwaye kta." He Iye icica, tuka Jews oyate kin, tipiwakan owanyagwaste hinea qa tanka kin he ka kecinpi, qa atewicayapi itokapapi kin hena waniyetu wickemantom sam sakpe en itanipi qa yustanpi, qa mazaskazi qa mazaska ko wopteca sni ayusotapi.

3. Unkan Jerusalem en woacaksin woanapi kin econhan woapetokeca ota econ kin he wicota wanyakapi qa oie kiu nahonpi qehan wicadapi.

17.—Nicodemus Jesus wanyag hi.

1. Jesus Jerusalem en woacaksin woanapi opa kiu econhan, Nicodemus Juda en itancanpi kin wanji ee, hanyetu econhan Jesus en i qa heya: "Itancan, waonspekuye Wakantanka eciyatanhan u kin hencia sdonunniyanpi, taku wopetokeca econon ecee kin wicasta tuwedan hecon econ okihi sni, Wakantanka kici un sni kinhan."

2. Iehan kici decen wohdakapi kin hehan Nicodemus token econ kinhan nagi ni kta hecinhan Jesus iwanga. Jesusa hecon awupta: "Mini qa Woniya Wakan un tonpi kta." Tohan Nicodemus de nahon qehan okahnige sni, tuka ake Christ heya: "Wakantanka Cinhintku isnana kin makata hiya, qa Iye uu maka kin ni kta heon."

3. De wohdakapi kin en Christ token miniawicakastanpi kte cin on waonspekicikiya. Wowicada kin de dehan Catholic Church en heceena ouspewicakiye sni, tuka, tona en opapi miniawicakastanpi kta econwicasi. Israelites Egypt wayaka unpi, tka mde sa kin opta iyayapi kin un wayaka unpi kin etanhan naicispapi, he iyecen tona miniawicakastanpi kinhan hena woatani en wayaka unpi kin etanhan niwicayapi.

18.—Jesus Jacob Mniyowe tawa en yanka.

1 Woacaksin woanapi kin hena keca qehan, Jesus Judea makoe opta hda, ye cin econ miniawicakastan. Nazareth etkiya ku qehan, otonwe wan Sichar eciyapi Samaria makoe hetu en hdi. Mdokite hda hecen mniyowe kin akankeya iyotanka, he Jacob ehanna qa, otonwe tiyopa kin icahda heon ohinni en iyayuptapi. Waonspekicakiye cin elipeya otonwe ekta aguyapi opeton iyayapi.

2 Jesus mniyowe kin en yanke

cin econhan, winohca wan mini huwe hi. Jesus mini maqu wo, eya, unkan Juda oyate kin Samaria oyate kin wahtewicadapi sni, qa taku wicakidapi kte cinhan tpi kinhan he sanpa dakapi. Heon winohca kin de nahon qehan nina yusiniyaya, qa heciya, tokenken He Juda wicasta tka mini kida hecinhan iwanga.

3 Jesus heciya, he mini kida kin he tuwe kin sdonya unkan, unkin iye es mini kida kta tka, kinhan mini wiconi kin qu kta. Tohan mini wiconi eye qa, tuwe onge yatke cinhan icimsua ipuza kte sni kin nahon qehan, onge da, hecen tohinni mini huwe u kte sni keya. Hehan woanake tawa kin Jesus okiciyake qehan yusiniyaya qa he Wakantanka Woniya kici un e okahniga, heon heya: "Itancan wicasta woacan henica indukcan."

4 Samaritan oyate kin tipiwakan wan Garzim he kin Sichar otonwe kin ikiyena han he akan kagapi, he akan woanapi ecee, Juda oyate kin Jerusalem en econpi kin iyecen. Winohca kin decen wawiwanga. "Juda oyate qa is Samaria oyate kin unman tukte wicakapi he?" Tuka Jesus heya: "Anpetu wan u kta—hiya, wana hiyohi—qa Garzim en qa Jerusalem nakun en Ateyapi kin ohodapi kte sni."

5 Jesus nakun he Messiah kin o e keciya. De nahon kin hecehnana wakiskokpa kin elipeya kin hde qa, otonwe en unpi kin taku toka kin owasin owicakiyaka. Hehan Samaria oyate kin Jesus en hipi, qa hena unshipi. Unken nonpa can hen un qa wahokonwicakiya, unkan wicota wicadapi.

Mini wan Jesus wicagu kin hewicanagi iyoyanpa kin ee, qa wowaate, hena on woatani unkipajinpi kta. Tona Wakantanka awicakehan tawacin econpi kta cinpi kinhan wocekiye awacin ee unkipapazopi kte sni tka, unkihduhukuyapi kta, qa Wowicada qa wacantkiyapi kin hena nakun unkipazopi kta. Dena wakoniya kin heca, qa wocekiye wowicake kin hetanhan kaduza.

19.—Jesus Nazareth en wawahokonkiya.

I Jesus Sichar etanhan iyaye cin iyohakam, Nazareth Iye totonwe kin en hdi. Omniciye tipi kin en ohinni ya ecee. Anpetu wan en oyate kin mnicuyapi, unkan Jesus wovapi yawa kta inajin. Unkan Isaius wicasta woacan tawowapi kin qupi. Unkan wovapi kin yumdaye qehan decen owapi kin iyeaya:

"Itancan Woniya tawa kin he akan maun heon wahpanicapi kin wotanin waste kin owicawakiyake kta e sda-makiya; tona caute psakawahanpi kin asniwicawaye kta on u masi; wawaka unpi kin wicakiyusupi kta, qa istagongapi kin ake tonwanpi kte cin omdake kta; tona kahelidecapu kin hena wicawakiyuske kta."

2 Unkan wowapi kin een eyaku. qa ookiye kin wicakieu. Unkan omni-ciye tipi ohna hiyeye cin owasin opalitapi, qa inihanpi, qa wicasta woken Messiah on taku eye ciqon he wicakipazo qehan cetunhdapi. Qa dena Iye kapi keye qa Messiah he e hce cin yuwicake qehan okahngapi sni on toketupi tanin sni.

3 "De, Joseph cankajipa cinhin-tku kin ee sni he?" Unkan Jesus hecen awicayupta: "Iye en wicadapi sni kin he woyusinyeye sni, wicasta woken tuwana iye tamakoce kin en woyuonhan yuhe sni; nakun," heya: "Elias taoyate etanhan aktapi sni qa wakagapi ohoda wiawizea wan Sevepta en wokiain."

4 Oyate kin dena nahonpi qehan, wocanze ojupina, iye wicakapi ewanhdakapi qehan. Unnahanketa sanpa taku eye kta iyowinkiyapi sni, otowet etanhan tunkan ehipayapi, qa paha akan otoweto ehdepi kin he matete ekta ehdepi, qa hetanhan kun ehipayapi kta awacinpi. Tuka Jesus mayasen matete kin en inajin wahhdake qehan, wacinhuani wicaye qa, ihdama qa wicahnatanhan hcin.

MEDICINE ROOT CREEK S. DAK.

Eyanpaha:—

Ito le anpetu kin taku conala epin kte lo. Eya tokefcin waon na ins ota wuowakicahngi sni kta taku wan oonyakiyapi kta oncinpi ca he ociciyakapi kte lo, na uakun omnicieye apionkicijapi ca he nayahonpi kte lo.

Eya omnicieye wan onyuhape lo, kta hekta wi sakte kunaceca nakes onkicagape lo, canke nahanhein wicasa onconalape lo, okise yas wakanheja ece se le omnicieye kin onkayape lo. Tka omnicieye kin lehan ongonpi kin tanyan ongonpi awablezelo, kta eya nahanhe'n waonsakapi sni ye lo; kta hes tokata tehan lase onyanpi yunkan hankeya waonsakapi kta walake lo mitakuyepi.

Ho hece wanna tokel omnicieye apionkicijapi qon he ociciyakapi kte lo.

Louis Mousseau, Tunkasila. Louis

Shangreau, Tunkasila okhe. Joseph Horucloud, Wocekiye eya. Peter Condelario, Sec. J. Mousseau, Iyapi awanyauka. Lone Bull, Tiyoja awarka. C. Benevidez, muzaska awanyauka. Broken Leg, Wicokuje awanyauka. John Monroe, Okikile tokahe. White Plume, na Charlie Garnett na Nelson Shangreau hena okikilepi, na Bull Bear he wapaha yuha. Ho lenake hecel wicayustanpe lo. Mitakuyepi hece nitawocekiye el onyksuyapi kta oncinpe lo, hececa yunkan Wakautanka onkiyapi ehantanhans hekta tokel ongonpi qon isam tanyan, Wakantanka oholayaoonkioyapi kta.

Ho hehan taku wan oonyakiyapi kta oncinpi qon he le ye lo. Eya omnicieye maka owancaya yaonpi qon hena iyuha eicape lo. Sinasapa owayawa tanka wan okiala oyante el he qon he wokajuju inajin kta kuwape lo, na onkna's yustanpi naceca kta solwaye sni ye lo. Ho heciyatanhan on naonkicijinpi kta iyeeca ye lo. Eya Lakota kin he, owayawa kin wokajuju inajin kta yustanpi eke lo. Ho eya tuwe ca hena yustanpi hecina iwanyake sni hecunpi walake lo. He wokajuju kin ablezapi na soloyapi ehantanhans he kluitanpi kta ye lo.

Maka owancaya owayawa tanktanka hiyeye cin Sinasapa kin lena ecola wokajuju kuciyela icupe lo. Na tipi na taku oyasin iye tamazaska ou kagapi na ins opetonpe lo. Na el wayawa wicakiyapi kin hena wokajuju icupi sni ye lo, na wakanheja el unpi kin hena tonla sna tunkasilayapi cajewicakiyate lo, na henala on wokajuju icupe lo, kta es isamsani wakanheja ciota wicayuhape lo, na hena wokajuju cola wayawape lo. Sicungu tipi el Sinasapa kin he wakanheja wikeemna-uapcinyauka sam zaptan on wokajuju icupe lo. Tka wakanheja opawinge nom wicayuhape lo, opawinge wanji sam zaptan wokajuju cola wayawape lo.

Na Sinasapa owayawa el, wakanheja wanji sna wi ake-noupa cau mazaska opawinge sam saklogan on icupe lo na Tunkasila taowayawa kin hena ins opawinge wanji sam wikeemna sakowin sam zaptan wakanheja wanji sna on icupe lo, na ins wanji wasakala kte ehantans mazaska opawinge sam wikeemna sakte ake sakowin icupe lo.

Yunkan wasakala wan eha cinpi sni na owayawa wan mazaska ota yusota wan eha yutitanpe lo, na hena tipi na

wayawawicakiyapi hena ota sna el onpe lo, na taku sni la esa Lena iyuha Lakota tamazaska yusotape lo. Ho hecetu we lo mitakuyepi.

Ho yunka eya mazaska Tunkasilayapi ti el yanke qon heon tokel ecaliyusotapi kte qon hecinpi na on heconpi sece'o.

Ho eya mitakuyepi wamakanheja na taku solwaye sni yes miye kayes hecel awablezin na on hepe lo.

Ho hece mitakuyepi, wanna henala epin kta ca omnicieye iyuha iysukinyan nape ciyuzape lo.

PETER CONDELARIO, SEC.

MEDICINE ROOT CREEK, S. DAK.

Eyanpaha:—

Mitakolapi, ito lehanl iyapi conala on taku onahon ciyapi kte lo.

St. Joseph na St. Mary okolakiciye maka owancaya yaonpi kin to'anni mi-oieye wanjinu tukte'n', nayahonpi sni ye lo. Tka wamakanheja ca on hececa ye lo. Hekta wi sakte qon lehanl okolakiciye kin le okna wahinajin ye lo, Na lecana omnicieye tanka wan Okkila oyante el ecanonpi qon hehan mitakuyepi honh el yahipi ca q'a oieye naci honpe lo. Na nasula na cante on, mitakuyepi on hena iwacu we lo, na yuha o wastelahcin miklon we lo. Na lehan tu kin yuha oksanksan ewatonwe lo. Yunkan taku wan lehanl awablezeyo lo. Mahpiyaluta toyante tanka qon el ongonpi awableze lo. Yunkan heciyatanhan on okolakiciye wan okna anawanji qon awakluta ye lo, na nasula ou lila wibluakan ye lo. Yunkan hena Waukiye onkitawapi qon, tawotanin waste qon hena eca awibluakan yelo. Yunkan taku ni el iyewaye sni yelo, taku unkiwastepi kte qon ecola el okna iyewaye lo, kta otehekilo. Yunkan tukte okna waonsakapi kte qon he eca okna wakin kte lo.

Omnicieye onyuhapi qon he ahoonkicijapi kte qon hecela yelo; nakun isam owayawa tanka wan onklepi qon, onkluwasakapi kta hee yelo. Na wicayuhapi qon hena wicawiconkluwasakapi kte kin epi solwakiye lo, lehanl. Ho yunkan mitakuyepi lececa awablezelo.

Tokata wanyetu zaptan wahecetuya wasakya onkiyayapi kta walake lo, mitakuyepi. Yunkan taku ca heon wasakya onkiyayapi kte cin he wakanheja ocikpani nyan, sinasapa owayawa-tank el onpi kin hena eca klinapi yunkan hena on wasakya onkiyayapi kte kin hena epelo, na isam owayawa-tank on onkiwasakapi kte kin le okna yelo. Na omnicieye ongonpi kin el hecel

iyewaye lo, ca omnicieye okaspe tona ongonpi qon hena he onkiuwaskapi kin hetu welo.

Hecel wi sakte omnicieye onkupi kin el hecel iyewaye lo. Ho hecetu welo, mitakuyepi. Tka taku wan otehekilo epe qon he owaklakin kte lo.

Wicayajipa ota ekna onkupelo. Anpetu na hanhepi kin lena iyuha yahtak onkaupelo, canna oknahauhan onyahomnipi yukelo, kes Wanikiye onkitawapi toieye qon onkiksuyapi na sna kaowotan onkiyayapelo. Ho hecel onkupelo. Ho hece mitakuyepi, taku wan hehaul ito cajewaklakin kelo. Ikceya wicasa maka obinni onkicagapi kin atewicayonpi yukanpelo, kin hena Wakantanka caje oknayan waonspekuyapelo. Ho hece lehanl unki's wanna wicoksape onyuhape lo. Yunkan sinasapa okolakiciye okna onkicagapi lehanl slolonkiyapelo, na Lakota ota hein iye wicoksape tawapi hena on sinasapa okolakiciye oknayan onkiko'api kta wau iyeonkicijapelo. Ho hece mitakuyepi onkicincupapi icagapi yukanpelo, na ota es sam icagapi kin slolonkiyapelo. Yunkan hena onkitawapelo. Wakanheja kin hena tukte okna wasicun tawicohan onspowicawonkiyapi kte kin he sinasapa owayawa kin ohna yelo; na isam Wakantanka soloya icagapi kte lo.

Ho mitakuyepi hena onkitawapelo, ca tuweni ananptapi okihi soi walake lo. Yunkan wasicu iyokpaza el onpi kin otapi hee lo, he lehanl ananptapi kta kuwape lo, na oknayan yustanpe lo. Yunkan wasicu wan tonkansila onyanpi ca maka qon ataya kinil opeton we lo, hece ikcewicasa oyante tona maka opaspe cististila unkiyustanpe lo. Ho hece hena mazaska kin Lakota unkitawape lo ca tuweni owaja sni ye lo. Ho heciyatanhan on, mitakuyepi naonkicijinpi kta wan onkokilhipi walake lo. Lena wicasa ca onki's eya ongonpe lo. Na mazaska kin hena onkitawapi ca, tunkansila ti el onkiciknakape lo. Tukte okna onkicincupapi wicoksape waste icupi kta wan oknayan mazaska kin hena iwanwicawonkicijankapi yunkan Tunkansilayanpi ta-omnicieye (Congress) he onkiyapi kta walake lo. Ho heciyatanhan on mitakuyepi Sinasapa Okolakiye yaonpi qon niye's hena wicoksape wankalkatuya luhape lo, ca blokehan lel nacioupe lo. Tuwa ke'sa lena onkiskicapi esa onki's eya wicasa ca ongonpe lo. Na wanjikji wookalinige onyuhape lo. Indian Department at Washington el taku wan yustanpi ca wanjikji slolonkiyape lo. Ikcewicasa ongonpi kin wiontkotkokapi ca owayawa tuon onkiwasakapi kte kin le okna yelo. Na omnicieye ongonpi kin el hecel

